

# Identity Radd 3a Leish ne7na Canaanites mesh Syriacs

ملاحظة: أوقات السيد طوني حدشيتي بيكتب باللغة الكنعانية، يلي البعض بسميا لبنانية، والبعض الآخر بسميا عربي دارج. وبيستعمل الحرف العربي إلى حين تنشيط الأبجدية الكنعانية يومًا ما.

كتب السيد طوني حدشيتي: نحنا صرنا مسيحيي بالدين والايمان بس الدُّنيا تبعنا ضلّت كنعانيّ. (الاسلام مثلن : دين ودُّنيا) .

مين هنيّ الكنعانيّ؟ هني يّلي تسمّو الفينيّنيّ (من إبل اليونانيّ أول شي) بين ١٢٠٠ ق.م. و ٢٠٠ م.،

وهني يلي تسمّو آراميّ من ٢٠٠ ل ٤٠٠ م.،

وهني يلي تحديّدن بالجبل ويلي هني عمومّن موارني تسمّو سريان (من قبل اليونانيين أول شي) من ٤٠٠ م. ل ١٩٢٠،

وهني يلي سمو حالن لبناني مع يوحنا مارون من سنة ٦٧٦ ل ١٩٢٠،

وهني يلي استعملو ساعتا الاسم للجمهوري سنة ١٩٢٠، وضّمّ ساعتا الاسم ك"لبنانيين"، المسلمين، إداريًا.

أسبّت الدكتور بيار زلّوعا إنو كل الاحتلالات ما اختلطت بالكنعانيين إلا الاحتلال المسلم بجينات عريبي خاصتن عند يّلي أسلم هون، والاحتلال الصليبي عند المسيحيي وكمان عند مسلمين المدن. بس يلي أسلم صارت الدُّنيا تبعو دنيا الإسلام .

دُّنيا الكنعاني كانت الأرزى والإبحار وإنتاج الخمر مثّلن، راح منا إشيأ وزاد عليا إشيأ .

المازا وحُب الارزى والدبكي وإنتاج الخمر بلبنان، هودي من الحضارا والسآفي الكنعانيّ من ناحية العِلْم. هول مش شي مسيحي، ولا سرياني، وما فين يكونو لبناني، لأن لبنان إسم أرض، مش إسم شعب.

الكنعاني خسرو اسمن بالتاريخ بسبب التسميات العشوائي، بس بئيو هني هني من الناحية العلمي، بس يوحنا مارون اعتمد إسم الأرض يلي انحسروا عليا، لبنان، بعد ما كان انتشارن من شمال سوريا لَعَزّة. نحنا (من سنة ٥٠٠ لسنة ١٩٢٠) استعملنا اللغا السرياني بل ليتورجيا و ك لغا رسمي، بس اللغا المحكيي بقيت بالكنعاني (حتى استعمال الكنعانيي كفصحى ضل بجبل لبنان حدّ السرياني لسنة ١٢٥٠)، ولو إنو هل الكنعاني أخذ شوي من السرياني والعربي، ما ننسى إنو السرياني أصلًا نُصّو مكنّعن لَمَنْ برز سنة ٢٠٠ م. والعربي أصلن نابع من الكنعاني الأديم.

ولليوم اللغة المحكية في لبنان حسب المعاهد اللغويي العالمي هبي كنعاني، مش سرياني. كتار عم يغلطو بهل الموضوع انو نحنا سريان لان كنّا نستعمل السرياني بالليتورجيا وكلّغا فصحا ولأن هيك سمّونا، أو حتى باعتبار خاطئ إنو "جدودنا كانو يحكو سرياني"، مثل ما بيعملو العرب وبيعّترو نحنا عرب لان منستعمل "العربية الفصحى" والليتورجيا تبعنا بالعربي ولأن هني مفكرين اللّغا تبعنا اليوميّ هي "عربي دارج" ولأن الغرب بسمّينا ضمن "العالم العرب"! "

انتا يا خيي، عم تؤول انو ما في كان تواجد للكنعانيي إلا عالساحل، بس الآسار الكنعانيّ لي بعدا لهلأ ببشري ومنيطرا وشحيم وأفأ ويانوح ودير ألقمر والزعرور، منين اجو ؟ اجو لان كان في ضيّع كنعانيّ بجبل لبنان عالعلي وفي باحسين اوروبيين (فرنسيّ والمان) عملو index فيون ومع اساميون بالكنعانيّ وهيدي الضيّع بعدا موجودي لهلأ. شو كان

يدور "عربيتو" يطلع يقصّ أرز وينزل ينام عالساحل؟ كيف خلّص الأرز بالمكمل والمنيطرة وصنين وحرمون والباروك؟

الأسار لي موجودين بجبل لبنان بيطلعو أدّ بالعدد أدّ لي موجودين عالساحل، هيدا غير الأسار الكنعانيّ لي موجدي بالداخل يعني بالبّاع مثل كفرزبد والفرزل وبعلبك!

المعيار لأي شعب هوّي سآفتو (عادات وتآليد وموروسات يومّي، وكمان اللّغا المحكي إذا تماشت مع البائي (فيا ما تكون، بس ساعتنا ما بتنقض)، بس أكيد مش الفصحى أو الليتورجي هي معيار تغيير سآفي إزا تغيرت هي من لغا لتّاني، وإلا من كون اليوم عرب). اللّغا لي عم نحكي اليوم بلبنان هي تطوّر اللّغا الكنعانيّ مثل ما كل لغات العالم بتتطور. شوف مَسَلَن بهل link كيف اطوّرت لغة ال English وكيف كانت من أكثر من ١٠٠٠ سني:

<https://ibb.co/4snfvhz>

الدين المسيحي هوّي دين إيمان ومش دُنيا ومش إجا ليصهّر الفرنسي المسيحي بالمسيحي اللبناني بالمسيحي بنيجيريا! صح، عملت توحيد روعي، بس مش أكثر.